



Javna ustanova „Služba za zapošljavanje Kantona Sarajevo“ Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09, 18/13 i 23/24), te Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2026. godini broj: 02-04-24272-20.1/26 od 07.05.2026. godine, utvrđen Zaključkom Vlade Kantona Sarajevo broj: 02-04-24272-20/26 od 07.05.2026. godine, o b j a v l j u j e;

**JAVNI POZIV NEZAPOSLENIM OSOBAMA I POSLODAVCIMA  
DA SE PRIJAVE ZA UČEŠĆE U PROGRAMU  
ZAPOŠLJAVANJA ŠEHIDSKIH PORODICA I PORODICA POGINULIH BORACA-  
BRANITELJA, MALOLJETNIH DEMOBILISANIH BORACA, DEMOBILISANIH  
BORACA, RATNIH VOJNIH INVALIDA I ČLANOVA NJIHOVIH PORODICA**

**I**

Program zapošljavanja šehidskih porodica i porodica poginulih boraca – branitelja, maloljetnih demobilisanih boraca, demobilisanih boraca, ratnih vojnih invalida i članova njihovih porodica (u daljem tekstu: Program) realizuje se zapošljavanjem nezaposlenih osoba iz navedenih kategorija kod poslodavaca sa područja Kantona Sarajevo.

**II**

Cilj Programa je kraće trajanje nezaposlenosti osoba sa statusom šehidskih porodica i porodica poginulih boraca – branitelja, maloljetnih demobilisanih boraca, demobilisanih boraca, ratnih vojnih invalida i članova njihovih porodica i stvaranje pretpostavki za njihovo dugoročno zaposlenje.

**III**

U Programu pravo učešće imaju nezaposlene osobe prijavljene najmanje 30 dana prije objave javnog poziva na evidenciju nezaposlenih u Kantonu Sarajevo sa statusom šehidskih porodica i porodica poginulih boraca – branitelja (roditelji, bračni partner i djeca), nezaposlene osobe koje su maloljetne stupile u Armiju Bosne i Hercegovine, Hrvatsko vijeće obrane i policiju nadležnog organa unutrašnjih poslova i koje su učestvovala u pripremama za odbranu i odbrani Bosne i Hercegovine u periodu od 18.09.1991. do 22.04.1996.godine, minimalno godinu dana, pod uslovom da ne postoje okolnosti iz člana 36. Zakona o pravima boraca i članova njihovih porodica („Službene novine Federacije BiH“, broj: 33/04, 56/05, 70/07, 9/10 i 90/17), osobe sa statusom demobilisanih boraca - branitelja, nezaposlene osobe sa statusom ratnog vojnog invalida od najmanje 20% invaliditeta kao i članovi porodice (djeca i supružnik) ratnog vojnog invalida od najmanje 20% invaliditeta, prijavljene najmanje 30 dana prije objave javnog poziva na evidenciju nezaposlenih u Kantonu Sarajevo i koje nisu bile u radnom odnosu kod istog poslodavca odnosno kojima je prestao radni odnos kod istog poslodavca u periodu od posljednjih dvanaest ( 12 ) mjeseci prije dana podnošenja aplikacije, te poslodavci registrovani u Kantonu Sarajevo.

#### IV

Javna ustanova „Služba za zapošljavanje Kantona Sarajevo“ Sarajevo ( u daljem tekstu Služba) će poslodavcima koji budu obuhvaćeni ovim Programom, refundirati sredstva u iznosu od 2.000,00 KM po novouposlenoj osobi VSS i VŠS i 1.500,00 KM po novouposlenoj osobi SSS/KV/NK/PK mjesečno u trajanju od 12 mjeseci za isplatu plaća i pripadajućih poreza i doprinosa u skladu sa propisima koji uređuju ove obaveze. Svi drugi troškovi padaju na teret poslodavca.

#### V

Nezaposlene osobe koje ispunjavaju uslove iz javnog poziva, dužne su u Službi ili putem web stranice Službe, preuzeti vaučer za posao, pronaći poslodavca koji također ispunjava uslove javnog poziva te predati vaučer poslodavcu na dalje postupanje.

#### VI

Poslodavci koji žele učestvovati u Programu dužni su uz elektronsku prijavu prilikom apliciranja putem zvanične web stranice Službe ([www.szks.ba](http://www.szks.ba)) dostaviti skeniranu dokumentaciju u originalu ili ovjerenj kopiji u roku predviđenom u javnom pozivu u nastavku kako slijedi:

- a) potvrda/rješenje o registraciji obrta u jednoj od općina Kantona Sarajevo; za pravna lica koja su u skladu sa Zakonom obavezna izvršiti upis u sudski registar, aktuelni izvod iz sudskog registra koji ne smije biti stariji od 60 dana od dana podnošenja prijave na javni poziv,), potvrda/rješenje iz Registra udruženja/fondacija izdata od strane Ministarstva pravde;
- b) uvjerenje o izmirenim obavezama po osnovu poreza i doprinosa ne starije od 60 dana od dana podnošenja aplikacije na javni poziv (izdat od strane Porezne uprave Federacije Bosne i Hercegovine),
- c) listing o broju uposlenih koji ne smije biti stariji od 60 dana od dana podnošenja aplikacije na javni poziv (izdat od strane Porezne uprave Federacije Bosne i Hercegovine)
- d) uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik ( izdat od strane Uprave za indirektno oporezivanje Bosne i Hercegovine) koje ne smije biti starije od 60 dana od dana podnošenja aplikacije na javni poziv,
- e) vaučer/e za posao skeniran/e popunjen/e i ovjeren/e od strane nezaposlene/ih osobe/a i poslodavca.
- f) dokaz da osoba/e ima/ju status nezaposlene osobe čije se zapošljavanje sufinansira iz javnog poziva.

#### VII

U Programu ne mogu učestvovati:

- a) Poslodavci koji redovno ne izmiruju obaveze uplata javnih prihoda ne mogu učestvovati u Programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje BiH ukoliko je poslodavac PDV obveznik o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje BiH ili uvjerenje da poslodavac vrši uplate po potpisanom ugovoru,
- b) Poslodavci koji nemaju nijednog radnika ili osobu prijavljenu u radni odnos,

c) Udruženja, zadruge i fondacije koje nemaju prijavljenu nijednu osobu u radni odnos.

## VIII

Javni poziv za Program ostaje otvoren do utroška predviđenih sredstava, a najduže 6 mjeseci od dana objave uz mogućnost prekida i prije 6 mjeseci, a odobravanje aplikacija po Programu vršit će se prema vremenu i redosljedju zaprimanja propisanim elektronskim putem.

## IX

Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja aplikacije na javni poziv, uvećan za broj sufinansiranih osoba, osim u slučajevima odlazaka u penziju postojećih radnika, raskida ugovora o radu na zahtjev radnika ili isteka ugovora o radu na period na koji je sklopljen a do okončanja ugovora o sufinansiranju.

## X

Odobravanje aplikacija koje ispunjavaju uslove iz Programa, vrši se po vremenu i redosljedju zaprimanja propisanim elektronskim putem te na osnovu toga utvrđuje se prijedlog liste poslodavaca sa nezaposlenim osobama za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu su prihvaćene i eventualne anekse ugovora.

## XI

a) Poslodavac je pri potpisivanju predmetnog ugovora obavezan da dostavi identičnu dokumentaciju koju je priložio u skeniranoj formi prilikom elektronskog apliciranja na ovaj Program.

b) Ukoliko Poslodavac ne postupi prema prethodnom stavu, neće se pristupiti zaključenju predmetnog Ugovora.

## XII

Ugovorom, uređuju se prava i obaveze Službe i poslodavca, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate plaća i pripadajućih poreza i doprinosa u skladu sa propisima koji uređuju ove obaveze, zadržavanje u radnom odnosu istog broja radnika koji je zatečen u periodu od podnošenja aplikacije na javni poziv do isteka sufinansiranja i ostala prava i obaveze između poslodavca i Službe.

## XIII

Rok za realizaciju Programa je 18 mjeseci od dana potpisivanja pojedinačnih ugovora, uključujući i eventualne anekse ugovora. Izuzetno, rok za realizaciju Programa može se produžiti usljed nastupanja okolnosti da je osoba čije se zapošljavanje sufinansira privremeno spriječena za rad duže od 42 dana ili zbog korištenja porodiljskog odsustva sufinansirane osobe, te se u tom slučaju obustavljaju refundacije do prestanka pomenutih okolnosti, a o čemu će poslodavac blagovremeno obavijestiti Službu te dostaviti relevantne dokaze o prethodno navedenom.

## XIV

Poslodavci mogu odmah nakon podnošenja aplikacije na javni poziv zaposliti osobu na vlastitu odgovornost i teret, a refundacija sredstava po Programu teče od dana usvajanja listi, te poslodavcima korisnicima programa može se omogućiti zapošljavanje zamjenskih osoba ukoliko su prethodno odobrene osobe samoinicijativno raskinule ugovor ili odustale od učešća u Programu prije stupanja u radni odnos a za šta će iste dati potpisanu i propisno ovjerenu izjavu kao dokaz o odustajanju. Vaučeri zamjenskih osoba po Programu moraju imati istu kategoriju kao prethodno odobrene osobe uz uslov da se zamjenska osoba nalazi na evidenciji nezaposlenih osoba u Kantonu Sarajevo najmanje dan prije potpisa ugovora sa poslodavcem. Izuzetno, u svrhu zapošljavanja zamjenskih osoba, poslodavac može dostaviti odluku o otkazu ugovora o radu u slučaju teže povrede radne obaveze i ostalih zakonom predviđenih situacija za otkazivanje ugovora o radu od strane poslodavca.

## XV

Ukoliko je Poslodavac ostvario pravo na sufinansiranje iste osobe po bilo kom drugom Programu ili osnovu nakon apliciranja na predmetni javni poziv Službe, neće moći ostvariti pravo na sufinansiranje te osobe po Programu Službe kao i angažovanje zamjenske osobe za istu.

## XVI

**Rezultati ovog javnog poziva biće objavljeni na web stranici Službe.**

## XVII

Aplikacije sa potrebnom dokumentacijom, podnose se isključivo Javnoj ustanovi „Služba za zapošljavanje Kantona Sarajevo“ Sarajevo, putem elektronske forme na web stranici [www.szks.ba](http://www.szks.ba) ( jedini način podnošenja prijava na Javni poziv).

Detaljne informacije o načinu registracije korisnika na aplikaciju za elektronsku prijavu na Javni poziv nalaze se na web stranici [www.szks.ba](http://www.szks.ba) u formi objavljenog video uputstva i objavljenog dokumenta „Uputstvo o načinu i postupku registracije i elektronskih podnošenja aplikacija/prijava u svrhu prijavljivanja na javne pozive po Programima za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u Javnoj ustanovi „Služba za zapošljavanje Kantona Sarajevo“ Sarajevo.

Dodatne informacije mogu se dobiti u Odjeljenju za podsticajne mjere zapošljavanja, ili na broj telefona 033 569 100.

---

Sarajevo, Đoke Mazalića 3,

web-stranica: [www.szks.ba](http://www.szks.ba); e-mail adresa: [info@szks.ba](mailto:info@szks.ba)

Tel:++387 (33) 569-100, fax: 204-177; Matični broj: 4200304610003;

Poreski broj: 01079085; Računi Intesa Sanpaolo Banka d.d. Sarajevo:

1549212010171056-depozitni račun, 1540012000135120-transakcijski račun

